

剡源鄉志卷三

奉化趙霈濤 醉仙甫纂

川類

剡川 合前後中三路水總名曰剡川詳見下一邑亦以

剡川槩之以剡源之水源長發源於嵗距剡源三十里而流遠經

江口過郡城入海也

溪

剡源溪 縣西六十里有山夾溪而出蔚然深茂者剡

源山也謂之剡源者以其近越之剡縣名之也梅福

剡源鄉志 卷三 川類

一

四明山記曰一澗出南過一百二十里其水歸鄞江

是四明山南門也四明山志其溪九曲一曲在六詔二曲

在蹕駐三曲在兩湖四曲在相阮五曲在三石六曲

在茅渚七曲在斑溪八曲在高巖九曲合於公棠溪

乾隆志逾泉溪會於三江口入北渡達於海延祐志七其水

發源於大湖山曲折經剡界阮至真武殿前十里東

折至水碓頭五里牛阮水經通甯橋自西來注之又

寺巖水自東來注之行里許前巖水自東來注之過

晚響嶺火燄嶺水入之又小黃沙阮水自東來注之

行三里至麻廠塘阮水經大慶橋自西來注之又單家阮水來入之過六詔茅塢水自西來注之又曹塢畧水自南來注之行三里曹家地水自西來注之行二里龍塢水自西來注之行二里俞家畧水自西來注之過上蹕駐錢家畧水自北來注之又相塢阮水自南來注之至下蹕駐其一支發源於磨石嶺經大阮合雙峯洞水東流過黃沙阮合西畧水經接引橋孝義菴行三里與下蹕駐水會合流經仙靈橋前塢水自東來注之行里許黃阮水自南來注之行三里

剡源鄉志

卷三

川類

二

過相阮竺家畧水經魁橋自西來入之行里許南畧水自南來入之行里許倪家畧水經仙人橋自西來入之過塔下周家畧水經雲龍橋自西來入之行里許黃洞畧水自南來入之過三石風門岡水逾石井洞經三星橋自西來入之行六里過茅渚行三里與斑溪水會又北過康嶺經法喜寺前行三里過公塘又過徐家步頭鎮東橋水入之行里許乾溪水自東來入之與西晦溪水會行二里雪來水合灌纓水自北來注之經躲雨巖潭過上山墨斗潭至溪口是謂

剡源水

斑溪 發源於大雷山頂曲折至石門銀阮嶺水與川  
山洞水自南來注之又周家嶺水自東來注之又石  
嶺水自東來注之經梯雲橋過菱杯山下經迴瀾橋  
又經獅鳳橋西過楊墅又西過樟墅又西過榆林中  
華畧水自南入之曰中溪其一支發源於雙峯洞過  
大水阮又過界嶺又過塔裏阮大畧水入之至董家  
坪白石水注之經東阮橋東阮水注之又過許家埕  
又過茅阮西阮水經西鳳橋來注之過西溪廟又過  
又西北流三里至康嶺此刻溪前路之支流也

西晦溪

發源於嵯縣之栲阮東過湖潭

屬嵯縣

烏巖頭

水來注之又東過晦溪又東過石門

屬嵯縣

敏阮水來

注之又東過葛竹

屬嵯縣

又過董竹又東至住嶺左溪

水自南來入之又北過班竹園茶阮水注之又北折  
至毛家灘又北東至白璧又過環潭又東北至馬村  
其一支發源於三折嶺徐鳧水來注之又一支發源

剡源鄉志

卷三

川類

於南背嶺過棲霞院經四明橋合流至董村曰董溪  
振衣巖水注之經廣通橋又南至俞村又東折至馬  
村與西晦溪水會又北折至亭下雪竇瀑布水與隱  
潭水自北來入之過嵩溪廟前過高巖又過後董至  
徐家步頭與剡源九曲水合此剡源後路之支流也  
靈溪 源出響石坪過大巖下經石窗下至大俞

北溪 發源於三折嶺顛過茶焙曲折至狗頭頸山下  
唐田水自南來注之經積善橋躊躇嶺水自東來注  
之又鄞裏湖水自東來注之匯於合溪過北溪經仁

剡源鄉志

卷三

川類

四

政橋北折至雙溪口合靈溪水東折至大俞出鄞縣  
左溪 發源於九雷嶺行十餘里凡三十六曲唐興嶺  
水自西來注之至獨樂石迤邐至沈家巖行二里與  
西晦溪水會

董溪 詳前

嵩溪 詳前

澤溪 詳前

中溪 詳前

元戴表元晚秋遊中溪詩淡竹岡前沙雁飛小花尖  
下栢九肥山雲不見雨自薄天氣欲寒人正歸招伴

祇須新稻酒臨風猶有舊苔磯風流鬢髮莖莖在怪石老松今是非  
經秋溪水碧洄洄無數曉山如鏡臺紅葉流從龍輿出白雲飛向石門來亦逢紙戶曾  
相識尙有樵蹤且莫回端爲何人作風物漫山漫谷野花開  
休折山中松桂枝溪魚亦小莫垂絲沙田翻白收秔後霜樹著紅嘗柿時日落牛羊歸徑熟天  
寒鳥鳥向人慈出雲數里成官路問事如何總不知樹淡雲濃又一坡招邀處處是行窩梯巖危似蟻  
緣木架屋高如鵲結窠水味野菽茭白瘳山毛人摘芋紅多行年四十不稱意更欲客遊知奈何  
九日與兒輩遊中溪詩悠悠循澗行磊磊據石坐林垂短長雲山綴丹碧顥蓼花最無數照水嬌婀娜何知是  
節序風日自清妥羣童競時新藕果間蔬蔬欣然爲之醉烏帽危不墜此日山中懷孟翁不如我

乾溪 小千畧水出焉

湖

剡源鄉志

卷三

川類

五

梨洲湖 大可三畝今其地曰湖裏

汚沙鼈湖 距平阮三里汚沙鼈小山前大可三四十

畝深五六尺中多蘆竹大旱不竭大雨不溢亦一奇

也

大湖 在大湖山頂大可數十畝深五六尺但人不能

立立即陷入泥中其水旱潦不竭不盈一出嵯縣一

出新昌一出剡源

兩湖

至正續志

剡源九曲之一今土人曰兩頭湖

國朝宋聲鴻月夜望兩湖詩徹底波清照兩湖月明盤谷認前途千秋無數珊瑚網畢竟還遺此地球

堰

公塘堰

宋劉濤築

見趙敦臨洪村廟記

嶺下堰

在康嶺

涇山腳堰

近康嶺

茅渚堰

距康嶺三里

下汪上堰

下堰

俱近下汪

塘涇堰

獨山堰

沙田堰

俱在三石

三石塔堰

距邑六十二里溉田三百餘畝

仇家畝堰

在兩湖下

剡源鄉志

卷三

川類

六

琰杯潭堰

在下蹕駐溉田一百畝

鐘山腳堰

在孝義菴下溉田一百畝

橫路頭堰

在上蹕駐溉田一百餘畝

以上中路

高畧大堰

距縣五十里明隆慶元年張曾三張省齋

築鑿巖通晦溪水溉田三百餘畝

洞潭大堰

縣西七十里明成化間里人單叔軒鑿石

通剡溪水灌田八百餘畝

嘉靖志康熙志浙江通志乾隆志俱同

案堰在亭下村裏七十當作六十其水一發源

於相量岡過雪竇寺前出千丈巖一發源於東

畧注隱潭合流至堰謂通剡溪水者非今大堰  
下相去半里分築堰凡四五處

又案乾隆志洞潭大堰上載大堰湖清堰二堰  
必俱在剡源大堰想是高畧湖清堰今莫名其  
處

王村堰

宋劉濤築

見趙敦臨洪村廟記

溉西畝田一千二百畝

利賴至今

俞村堰

宋劉濤築

見趙敦臨洪村廟記

高大堰

距縣六十五里董村明宋璧築

康熙志浙江通志乾隆志

剡源鄉志

卷三

川類

七

作縣北俱非

隄

沙隄

在五十二都

宋陳著新正過沙隄詩朝雨黃鸝靜春風暗葢低極  
知來令節未肯踏新泥狼籍桃無語侵尋草滿蹊還

聞騎馬客躑躅向沙隄

塘

高公塘

卽公塘

國朝全祖望公塘辨剡源有九曲而公塘為殿說者以  
為孫興公來山中嘗植棠因以得名姚江黃先生疑  
之日二百八十峯以興公得名者為梨洲爾雅赤棠  
為梨則有梨不應復有棠是以一事而附會之於兩

地也予考之寶慶四明志本作公塘蓋九曲之水會於晦溪而置堰於公塘未成堰之前而先有塘以瀦水故呼之曰公塘乾道四明志述形勝亦祇及興公之梨洲而無樹棠之說開慶四明志吳制使於公塘置寨防盜則在當時為要地不應并其各而有誤也以塘為棠始於至正四明志蓋好事者為之姚江但疑其雷同而未審其訛轉之自耳予初作剡源九曲辭亦循傳聞之說貽誤藝苑山靈有知當為齒冷因是正之以補失言之羞

案九曲之水會於徐家步頭之下非會於晦溪

石塘 在亭下同治間單仁忠募資築

高塘 距晚響嶺十里大可六畝

渚

剡源鄉志

卷三 川類

茅渚 剡源九曲之一詳氏族

池

荷花池 在亭下宅中

龍湫 龍鱗之長以水為宅而據山川之勝惟其能為雨功及民物故奉以神祠 乾隆志

隱潭 縣西北五十里潭居兩巖之下兩巖相抗壁立

數百仞仰以窺天僅如數尺瀑泉如練循崖而落水

寒石潔聳人毛骨每遇亢旱禱其潭有小蛇出沒旋

應如響皇朝嘗遣中使投金龍玉簡於潭以祈靈貺

皇祐中杜說記之 寶慶志 潭有三由雪竇山而上見



其上潭由小晦而上其中下潭皆可見俱在兩崖間  
泉瀑傾下聲如震雷其下潭巖瀑尤奇潭之上有巨  
巖隆起半覆潭上瀑瀉潭外水深黑寒色逼人前有  
平石如案方三四丈旁有石筍高七八丈人號爲石  
筆峯至此四顧毛髮竦然人以爲真龍所宅也嘉靖志六  
六月十六日官致祭康乾二志同

案上隱潭屬禽孝中下二潭俱屬剡源

又案嘉靖志六潭條旣出隱潭不當復出龍隱

潭

剡源鄉志

卷三

川類

九

宋梅堯臣詩老龍戀潭窟不雨亦不雲吐涎出溪滑  
吹腥隔林聞疾雷驅未去魚鼈競紛紛三層瀑詩  
山頭出飛瀑落落鳴寒玉再落至山腰  
三落至山足欲引煮春山僧房架剡竹

郊修輔詩在昔知何人鑿破青山骨飛泉直下來千  
尺瀉候忽兩壁蒼翠間一陣風雷笑傍無塵埃蹤中  
有蛟龍窟寒氣不可向猛勢豈  
能屈安得當年早爲霖濟羣物

樓鑰詩靈潭深入白雲堆帶雨春雲爲我開亂石半  
空潭欲墜瀑泉千尺正中來兩軍酣戰鼓聲急一雨  
生寒霹靂催中有臥龍君  
勿狎有時平地起風雷

陳著詩何神擊破隴頭巖盡東溪流下碧  
潭潭底有龍能變化好將霖雨活東南

僧重顯同于祕丞賦瀑泉詩大禹不知鑿來源亦白  
成色應憐眾白聲合讓孤清遠勢曾吞海飛流未噴

鯨靈槎如可泛  
天際問歸程

明宋琰詩蜿蜒中蟄水沈沈霧漲雲騰白  
書陰不是雷霆鞭不醒此時未可去爲霖

張時徹詩澄險愁窺壑巖開始見天衣裳牽宿霧石  
罅瀉鳴泉四壁松蘿古孤峯日月偏雲雷時不歇有

如白  
龍眠

王杏詩澄潭隱隱萬崖深箇裏乾坤合有心清藉日  
光搖五色潤移覽彩貫雙岑鯨鯨吐氣紋迴碧泉日

騰輝綺問金多少遨遊傳  
往事未聞靈瑞託遺音

汪綸詩隱潭路險絕躋攀雪寶山深更有山萬疊寒  
巖倚天外半空流水落人間陰陰宿霧開還合冉冉

行雲去復還自遇聖朝修  
祝事每思霖雨出靈關

陳奎詩長潭切明河清冷流辰極飛泉自天下入也  
翻霹靂顛厓縈萬盤立壁亘千尺墮鳥挂風藤孤猿

嘯日夕下馬乘險行掘衣望空入問之巖居人云有  
蛟龍蟄歲時感禱祀神化應無迹是知山谷深乃有

# 剡源鄉志

## 卷三 川類

十

靈異集嗟余隱者流煩襟猶未滌安得息世遊來此  
學仙術朝餐田上芝暮飲石中液凌海問三神御風

窺九折相邀皇初  
平同作紫煙客

鄔鳴雷詩崔嵬峭壁絕躋攀碧水澄泓龍  
窟間神物豈能忘勝地暫時行雨向人間

胡夢泰詩潭中何所隱有龍能  
致雨帝命佐司農鱗甲皆禾黍

陸寶詩藤昏石滑步蹒跚下及澄潭照膽  
寒練影如雲天半落匡廬移作峽中觀

姚涑詩已盡仙靈窟冥搜萬壑中穿雲迴鳥道鑿石  
下龍宮水靜沈青碧巖虛炫彩虹綠知能澤物膚寸

起神  
功

呂時詩不懸隱潭水那知上寺尊萬蓮盤法界雙樹  
繞天門禱雨龍潛鉢談經虎在軒老僧忘世久相對

自無  
言

周齊曾詩行逢石斷疑無路多向奔流低處尋何如  
且立峰高頂只憑孤影下潭心此影空明水一色筆  
墨之外有妙理未知誰是  
具眼人欲看余但看潭水

釋傳慧詩一坐松關意轉閒隱潭千尺瀉  
潺湲妙高臺上雲如墨共指蒼龍帶雨還

國朝江迥詩乳竇瀑布良已奇傳聞隱潭更奇絕看山  
早挾無厭心蠟屐西行難自輟山行五里境更幽山  
色迎人互變易桃花石筍縹緲間四顧奇峯可指屈  
隱潭何處聲隆隆到眼忽驚來崩崩層巒怪石孰雕  
鏤瑤草琪花雜羅列瀑布須從巖下觀俯視宵冥訝  
無極逡巡幾負攬勝懷欲下不下未敢決輕險幸有  
武陵人導我懸崖履危石但喜得羅宇宙奇何暇尚  
愛生平力此時臥石效淵明兩崖森森近相逼寒潭  
倒浸碧天圓飛泉傾瀉蒼崖裂圖經昔日空摩挲肺  
腑而今得澡滌試問香爐及天台畢竟似此孰優劣  
松風謾謾晝常陰嵐氣濛濛夏亦雪初觀不覺興與  
逝飛小坐輒復骨凜慄雲生不動石恐飛水激有聲龍

### 剡源鄉志

### 卷三 川類

七

欲出試與攀蘿屈曲升前後恍如蟻緣壁急拔此身  
力雖疲要爲諸君相慶悅斯遊得此真奇觀山靈告  
我當有述惜無李白驚人詩更乏倪迂寫生筆

### 沙潭

在縣西六十里

延祐志七

馬村乾隆初結亭三間

### 金井洞潭

詳洞結亭三間潭有二緣崖而過光滑如

鏡俱深不見底

### 設僧潭

詳洞

以上後路

### 茅塢潭

距邑八十里在漫塢山中咸豐閒結亭三間

俗誤以連山之鎮亭山當之

### 謝婆潭

距邑八十里在黃沙阮結亭三間

西湖山潭 近西巖

沈阮潭 在縣西七十里延祐志七今名西游近上蹕駐

丹霞龍宮 在丹小山丹霞洞中

宋陳著詩丹山高處坐龍宮山下人歸潤澤中北馬一塵飛不到危時方見有神功

石井潭 在三石廟後里許大可半畝深二三丈三面

巉巖壁立潭狀如鑊非鎮亭之石井也昔時祈禱必應今兩旁古木斬伐殆盡無甚靈驗咸豐間天旱農人車水每有嘉慶道光閒禱雨之疏浮出水面真奇事也

剡源鄉志 卷三 川類

三

石蒼龍潭 在沙隄裏巖阮

以上中路

石門洞潭 詳洞

聖潭 縣西南七十里在石門又名川山洞與石門洞

竝顯禱雨必應乾隆志

周濟潭 縣西南七十里在石門與連山連界地名馬

龍阮禱雨必應乾隆志

案此潭當屬連山

西洩潭 其潭如井在縣西五十里延祐志康乾二志同斑溪上

前路

井

古井 在三石陳本源堂前大旱不竭

塔頭井 在徐家步頭夏時行人往往取飲大旱不竭

寒井 距沙隄八里大旱不竭上覆屋三間俗呼井亭

案此處古時想有村落  
以上中路

玉井 在巖頭水甚清冽  
以上前路

大井 在西山頭

甘井 在亭下  
以上後路

橋

剡源鄉志 卷三 川類

三

董家橋 詳氏族

鎮剡橋 在沙隄上覆屋七間光緒十二年重建

廣惠橋 在沙隄

陳家橋 在入山亭下

竺家橋 在沙隄北

眾濟橋 在徐家步頭嵒邑庠生蔡肇基邑人凌可三

募資建經始於光緒二十一年至明年十月二十日

落成行人便之江迴爲之記

鎮東橋 宋劉濤建趙敦臨洪村廟記 距縣四十五里公塘康乾

二志均誤作五十五里 上覆屋七間

三星橋 在三石

雲龍橋 在塔下上覆屋三間

永貞橋 距塔下里許

仙人橋 在倪家壩

仙靈橋 在下蹕駐上覆屋九間光緒二年僧靈杰募

建

永安橋 在上蹕駐

太平橋 在龍塢口江加星建

剡源鄉志  卷三 川類

西

永鎮橋 在六詔

大慶橋 在六詔

通甯橋 在水碓頭

接引橋 近孝義菴道光初僧靜安建

永興橋 在黃沙院

定安橋 在黃沙院道光初汪祖成建

永正橋 在石橋頭光緒二十六年汪忠貞募建

夢仙橋 在茅洋頭

以上中路

西鳳橋 距巖頭三里

世甯橋 在榆林

永豐橋 在界嶺

獅鳳橋 距石門五里咸豐十年毛乾坤等募建

梯雲橋 縣西南七十里在石門內疊石為洞上覆屋

七間 乾隆志

迴瀾橋 在石門道光間重建

大石橋 在張家院同治七年國學生毛謙模建

常春橋 在斑溪光緒二十三年武生董佐朝募建上以

前路

剡源鄉志

卷三 川類

五

龍泉橋 在亭下光緒九年里人沈賢卿張永清募建

隱雪橋 距亭下五里千丈巖水由此經過光緒初年

馮光被單香有募建

西成橋 在洪村廟前光緒十二年里人沈賢卿張永

清募建

廣通橋 在董村下宋竺大年創建厥後屢圯屢修咸

豐八年邑增生竺林等募資重建上覆屋九間

四明橋 距董村五里同治十三年里人竺商臣募建

長安橋 在棲霞院同治十年建上覆屋六間

長壽橋 距棲霞院二里光緒十七年六品封王其瞰  
募建

眠佛橋 在棲霞院式穀堂下光緒二十二年六品封  
王昌法建澗中有巖頭顱手足耳目儼如眠佛橋名  
因之土人呼爲眠和尚惜唇口數年前爲樵牧損壞  
其半

金井橋 在毛家灘斑竹園之間乾隆五十三年里人  
俞爾孚胡贊元等募建光緒二十七年四品封王昌  
灼等募建

剡源鄉志

卷三 川類

夫

普濟橋 在毛家灘嘉慶時里人王廷建募建  
從心橋 在西晦溪口光緒十一年俞張氏建

太平橋 在西晦溪

金山橋 在西晦溪同治八年單心從募資重建上覆

屋十三間

雙魚橋 在西晦溪

一字橋 在巖院乾隆間王興玉建

鎖青橋 在巖院

永甯橋 在唐田半屬嵯縣乾隆間郡賓唐理方例貢



生唐錫宰同建

積善橋 在唐田半屬嵯縣

水口橋 在唐田半屬嵯縣

仁政橋 在北溪嘉慶十四年太學生盧聖聰等募建

上覆屋十一間

積善橋 在北溪嘉慶間節婦盧唐氏建名仁壽橋後

圯光緒二十二年盧繼賢重建改今名

鎮東橋 在黎洲廟下水口乾隆閒建上覆屋五間

長安橋 在黎洲溪下嘉慶二十三年王元恆募建

剡源鄉志

卷三

川類

七

惠濟橋 在黎洲

楊樹橋 在黎洲

以上後路

渡

鎮剡渡 在沙隄每屆寒露後豎立木椿如八樣橫架

一二木上編雜柴俗名籛橋至次年立夏前拆去恐山水驟

發而漂沒也以船濟之

鎮甯渡 在徐家步頭一名合江渡一如鎮剡渡之式

沙隄人經理

同興渡 在康嶺村下其籛橋如鎮剡渡惟拆去後以

竹籜濟之

永濟渡 在康嶺村上一如鎮剡渡之式

以上中路

光豐渡 在亭下一如同興渡之式向亦用船道光末

船被漂去代以竹籜

以上後路

附

水碓 藉水之力以舂有三制平流則以輪鼓水而轉

峻流則以水注輪而轉又有木杓碓碓幹之末剡為

杓以注水水滿則傾而碓舂之唐白居易詩雲碓無

人水自舂是也

嶧縣志

俗呼老鴉碓

剡源鄉志

卷三

川類

六

水磨 以水轉輪以輪轉磨

嶧縣志

長男文衡校字